

2021

# URRUZUNO

literatur lehiaketa



## Parte hartzeko oinarriak

### 1. Kategoriak

Ondoren zehazten diren mailetako ikasleek parte har dezakete:

**A kategoria** (Batxilergoko 1. eta 2. mailak edo Erdi Mailako Heziketa Zikloak).

**B kategoria** (DBHko 3. eta 4. mailak).

### 2. Arloak

Bi arlo izango dira: prosa eta poesia.

### 3. Baldintzak

Literatur lanek euskaraz idatziak eta originalak izan behar dute, lehiaketa honetan izena emateko epea itxi arte bestelako literatur saririk irabazi gabeak. Baldintza horietakoren bat bete ezean, lehiaketatik kanpo geratuko da lana, horretarako Hezkuntza Saileko Euskara Zerbitzuak berariazko erabakia hartu eta gero. Epaia argitaratu ondoren frogatuko balitz saritutako lanen batek ez duela baldintzaren bat betetzen, jasotako sariak itzuli egin beharko ditu egileak. Lanak bakarkakoak izango dira bi arloetan, eta gaia librea izango da.

### 4. Lanen neurriak

Lanen neurriak hauek izango dira:

#### PROSA:

- **A kategoria:** 5000-15000 karaktere, 1,5eko lerroartearekin (3 eta 8 orrialde bitartean, 12ko letra-tamainarekin).
- **B kategoria:** 4000-12000 karaktere, 1,5eko lerroartearekin (2 eta 6 orrialde bitartean, 12ko letra-tamainarekin).

#### POESIA:

- **A kategoria:** gutxienez 75 lerro (olerki bat baino gehiagoz osa daitezke).
- **B kategoria:** gutxienez 50 lerro (olerki bat baino gehiagoz osa daitezke).

### 5. Non eta nola aurkeztu

Lanak eskabide-orriarekin batera aurkeztuko dira, word edo pdf formatuan, ondoko helbide honetan:  
[https://www.euskadi.eus/saria\\_lehiaketa/2021/urruzuno/web01-tramite/eu/](https://www.euskadi.eus/saria_lehiaketa/2021/urruzuno/web01-tramite/eu/)

**Lanaren lehen orrialdean lanaren izenburua, egilearen izengoitia, arloa eta kategoria jarriko dira soil-soilik.** Ez jarri egilearen izen-abizenik lanean bertan.

### 6. Lanak aurkezteko epea

Lanak aurkezteko epea **2021eko urtarrilaren 11tik otsailaren 26ra artekoa** izango da (biak barne).

### 7. Lan sarituen aukeraketa

Aurkezten diren lan guztietatik, hogeit (20) lanik onenak sarituko dira; hamar (10) kategoria bakoitzean (5 prosa-lan eta 5 poesia-lan).

### 8. Epaimahaia

Hezkuntzako sailburuordeak epaimahaia izendatuko du lanak aztertu eta sariak nori eman proposatzeko. Epaimahai hori 5 euskal idazlek eta Euskara Zerbitzuko teknikari batek osatuko dute. Epaimahaia sortzean, bermatu egingo da trebakuntza, gaitasun eta prestakuntza egokia duten emakumeen eta gizonen ordezkaritza orekatua izango dela, Emakumeen eta Gizonen Berdintasunerako otsailaren 18ko 4/2005 Legearen 20.5 artikuluan agindutakoari jarraituz.



## 9. Irizpideak

Idazlan onenak aukeratzeko, ondoko irizpideak izango ditu kontuan epaimahaiak:

- Irudimena eta sormena.
- Testuaren ezaugarri literarioak.
- Testuaren arintasuna eta koherentzia/kohesioa.
- Hizkuntzaren erabilera zuzena eta aberastasuna.

## 10. Ebazpena

Epaimahaiak lanek onenak zein diren erabaki eta sarien ebazpen-proposamena helaraziko dio Hezkuntzako sailburuordeari, eta honek dagokion ebazpena eman eta interesatuei jakinaraziko die hilabeteko epean.

Halaber, EAEko Administrazio Publikoaren egoitza elektronikoaren iragarki-taulan (<https://euskadi.eus/iragarki-taula-elektronikoa/erabakiak/>) argitaratuko da ebazpena.

## 11. Hutsik geratutako sariak

Aurkeztutako lanek epaimahaiaren ustez gutxieneko mailarik ez balute, sariak eman gabe utzi ahal izango dira. Hala gertatzen bada, kategoria edo arlo batean eman gabe utzitako sariak beste kategoria edo arlo bati esleitzea erabaki dezake epaimahaiak, beste arlo horretan saria merezi duten bost lan baino gehiago baldin badaude.

## 12. Saria

Saria bost eguneko egonaldia izango da. Egonaldian, idaztearekin zerikusia duten lanketak egiteaz gain, hainbat euskal artista gertu-gertutik ezagutuko dituzte, baita Euskal Herriko zenbait leku ere. Gazteek euskal idazle bat laguntzaile izango dute, uneoro.

## 13. Argitalpena

Hezkuntza Sailak liburu bat argitaratuko du saritutako lanekin, *Sagastiberri* bilduman.

## 14. Ikastetxeentzako saria

Ikastetxeen eta irakasleen ahalegina aitortu eta eskertu nahian, lan-kopururik handiena aurkeztu duten 5 ikastetxeak ere saritu egingo dira. *Idazleak Ikastetxeetan* programako bina saio egiteko aukera izango dute saritutako ikastetxeek.

## 15. Datuen babesa

Datu Pertsonalak Babesteari buruzko abenduaren 5eko 3/2018 Lege Organikoak eta Datu Pertsonaletarako Jabetza Publikoko Fitxategiei eta Datuak Babesteko Euskal Bulegoa Sortzeari buruzko otsailaren 25eko 2/2004 Legeak xedatutakoa betez, «URRUZUNO» deritzon fitxategian jasoko dira deialdi honen tramitazioan jasotako datu pertsonalak, eta parte-hartzaileek datu horiek erabiltzea eta argitaratzea baimenduko dute. Fitxategi hori Hezkuntza, Unibertsitate eta Ikerketa sailburuaren 2010eko urriaren 4ko Agindua arautzen du (EHAA, 2010/10/05), eta haren helburuak dira: batetik, deialdi honetako dirulaguntzak eta deialdi honekin zerikusia duen beste edozein prozedura edo espediente administratibo kudeatzea eta, bestetik deialdi honetara aurkezten diren pertsonak deialdiaren garapenari buruz informatzea. Aldez aurretik, Datuak Babesteko Agentziari eman zaio horren berri, eta ezarrita ditu datuen segurtasun osoa bermatzeko behar diren segurtasun-neurriak. Fitxategiaren datuak, bestalde, ez zaizkie beste pertsona batzuei jakinaraziko, legeak bideratutako kasuetan izan ezik.

Fitxategi horren arduraduna Hezkuntza Sailaren Hezkuntza Berritzatzeko Zuzendaritza da. Interesdunek eskubidea dute beren datuak irispidean izateko, zuzentzeko, ezerezteko eta eramateko, bai eta beren datuen tratamendua mugatzeko nahiz tratamenduaren aurka egiteko ere. Eskubide horiek erabiltzeko Hezkuntza Berritzatzeko Zuzendaritzara jo beharko da, helbide honetara: Donostia kalea 1, 01010 Vitoria-Gasteiz.

EUSKO JAURLARITZA



GOBIERNO VASCO

HEZKUNTZA SAILA  
Hezkuntza Sailburuordetza  
Hezkuntza Berritzatzeko Zuzendaritza

DEPARTAMENTO DE EDUCACIÓN  
Viceconsejería de Educación  
Dirección de Innovación Educativa

